

新修慶陽府志

地

H8078.3

134

21~15

今

聖天子覃敷文德載績武功西陲
之紆拓地萬餘里

制憲太師楊公設局纂脩甘省
通志採各郡縣之紀錄裒為全
帙檄下慶陽慶應有志而無

慶陽府志

序

一

志也非無志也歲久殘缺不完
百年来時事茫乎莫考也如
是者誠不可以應命先是乾
隆二十四年夏五余勘災環覽
區道壯地晤太守趙公以即
乘未輯為歎余謂之曰君不知



事以會興文以人傳耶茲固昔
賢翱翔之地非訖無表見者而
顧漫漶至今後起者果誰屬哉
辛巳履長

慈宮萬壽采以春杪祝

釐入都趙君攝監司篆寓書於余

曰不佞承

大憲之檄重訂抑志行且鋟板
謹以副本恩執事敢乞一言以
弁諸簡首心竊異之曩余親
歷其境文獻闕絕孫跡銷沉
胡一旦而竟成此不朽之業信

前此之非虛語亦以見時會之相
值也暇輒披覽因附數語以歸
之志者諒也記邦國之沿革
風俗之淵源與人物之臧否
下逮金石碑銘佚事遺文無不
蒐梓採摭融治大遠殆有當

於記載之體今書成四十卷
依類叙次較昔倍之該矣脩
矣而繁而不縟直而不訛井
而不紊簡而不靡凡上下數
千百年墜當代掌故鉅纖畢
載而舊志之訛舛支離者率

皆潤削之俾後之君子有所取
材如溯河源者之必尋崐崙
山雪者之必於崑崙是則長之
用心良苦亦良厚矣若夫政通
人和百廢具舉是邦之人所以
嘖之於君者固不啻在此一語

此亦足以垂君矣一不且垂之永
遠而不朽乎吾可為卜之券也

平慶觀察使者許宗智題



叙

關中郡縣皆有志惟康對山之武功呂
涇野之涇陽王羨陂之鄠縣前輩謂與
諸史相頡頏余曩者見之信非阿好也
又聞明侍郎樂蟠韓鼎著慶陽府志十
卷稱為善本下車後問其遺編則散佚
已久惋惜者竟日因披閱前守楊公舊
志為順治庚子以前之書迄今百年因

慶陽府志

自叙

一

革興廢不知凡幾而版復刊缺不有繼
其事者輜軒何以告遺緒何以續耶獨
是志之作也必熟悉累朝之掌故與
當代之典章而復參諸學士之見聞名山
之著述然後可以卓然成一家言不然
閉門造車未審轍迹是不啻飾僞僥以
繒綵叩瓦缶以鐘呂也余無淹貫馳騁
之才亦非石室蘭臺之職方局臧於簿

書案牘之未遑其將與一二名流抗顏而分旗鼓哉雖然余間嘗讀史而知之矣良史之體曰予奪曰紀載曰文質志不與史同固有異而同者如人材宦業節誼文章千秋有定論微而顯志而臧不可以不謹嚴也左氏浮夸龍門踈漏儒者詬訾非傳信決疑者不足以動人之聽睹也至於屬詞比事華而不辯直

慶陽府志

自叙

二

而不俚廼為立言有要此三者固史家之所長亦操觚者之表準因不揣樗昧即原志之煩者汰之簡者詳之脫者補之僊者潤之餘以類而各為裒益焉目覽手抄不覺其疲我形勞我神也然竊疑古人之作史也往往頭白可期汗青無日予之排纂校刊甫閱五匝月遂得從容而卒業焉豈古為之難而今為之

易與蓋史必上下數千百年綜括宇宙
故非殫精竭智積歲窮年者不能志乘
之所及者郡邑耳時事耳且遲之數十
載必有湮起而增修之者其與史之一
成不毀歷久彌新者同乎異乎摺撫之
餘聊繼前事自與庶文獻有徵焉若異
日取康呂二公之所作以印證其得失
報焉以赤不知當更何如爾

慶陽府志

自叙

三

乾隆二十六年辛巳秋七月既望甘肅

慶陽府知府武林趙本植撰



慶陽府志序

自昔徵文考獻可以稽
往蹟酌時宜權地利以
振俗維風者莫如志
自州邑登諸郡洊上諸
省故郡志一書小以紀
邑甸文物大以備都會

慶陽府志

序

典章繫惟重哉慶陽舊
為公劉邑其民樸勤力
穡洎宋韓范兩公蒞其
地益進淳良前明樂蟠
韓鼎著有舊志頗稱詳
該

國初郡守楊藻鳳重輯之

迄今百有餘年舊載既多殘缺時事踵新亦未得付排纂幽光湮晦勝跡銷沉拾遺補缺不可謂非守土責也我

聖天子景運攸隆皇猷允塞拓西陲之地萬有

餘里版圖式廓曠古罕聞爰僭

制府楊公檄匯郡邑志書將裒為通志而慶陽趙守乃先是蒐葺彙呈其所編郡志丐序於予夫志乘之作自古為難

無上下古今之識淹貫
掌故之寸則引經斷義
有愧典核抑或論定當
代非以聞見之疎致多
掛漏即以傳會之意動
涉浮夸詎足自翊珥筆
漫訂千秋之業哉今趙

守殫心文獻雅意攬搜
俾慶陽一郡之風土人
物因革廢興靡不瞭如
指掌他日裒集通志採
備輜軒則茲志之編誠
博雅之一助已雖然士
貴通經尤宜立政承

國家簡畀之重以主持乎
風化之權務期於先王
淳良舊地復見熙皞以
黻黼太平將不徒與韓
楊諸君爭名翰墨且得
附忠獻文正之後接武
前徽則彌增典冊之光

矣其所望於守土者獨
志云乎哉於其請也書
此以弁諸簡端
乾隆二十七年壬午孟
夏巡撫甘肅等處地方
贊理軍務兼理茶馬兵
部右侍郎兼都察院右

副都御史長白明德撰



慶陽府志

序

五

凡例

一舊志自順治十七年前守楊藻鳳重脩迄今原板散佚鄰士大夫家間有藏者字跡模糊章幅利缺即紀載亦多遺漏藝文更屬訛舛

國家久道化成百數十年來生齒日繁文明日盛若不亟為掇輯更歷年所時事益荒遠無徵矧現奉

上檄取郡志乘採擇纂脩爰焚膏繼晷裒成四十二卷

一舊志分類五十有五誇多務博未免頭緒繁繁校閱

慶陽府志

卷之一

凡例

一

之暇因舉其可省者徑省之有可附者則以類附焉共三十九條雖體製未能盡善亦頗綜括無遺蠹生於木而還食其木非好自更張也

一郡縣之名歷代互易有昔隸而今他屬者有昔今而今併入者爰仿通志之例而各列圖於建置之首以補舊志之缺閱者可瞭然於沿革之源流矣

一州縣勝景與舊志所載不同如寧州真寧皆新易今名較為近雅故從此而不從彼因各繪四圖於左雖兵燹之後半翳蒿萊亦有竟付子虛者廢興之感固

不僅一郡一邑也

一田賦經費考舊志俱沿明制與當

代迥異况百餘年中疊沛

恩綸減正額免流凶有耕桑之樂無鷄犬之驚唐虞之熙熙

皞皞何以加茲爰盡芟舊志悉從賦役全書昭

皇仁亦以遵令甲也

一兵防郵傳亦與舊志所載不同其民土團練及舖舍
烽墩仍附誌簡末以備考索

一學校所載儀文度數不辭瑣屑者黌宮為風化之原

慶陽府志

卷之一

凡例

二

國家文教昌明超越前古誠如龍門所云觀車服禮器低
徊不能去也慶郡法物不及江浙之大備率多因陋
就簡况歷久未必常新雅意振興者庶可按籍而考
一壇壝載在祀典惟 耜田之制昉於雍正六年尤不
可以不詳而寺觀廟院亦附載於此者民間以歲時
伏臘祭賽報享有其舉之無或廢也况非淫祠巫覡
者乎故仍舊志而從俗

一職官通志首載官制兵志亦然所以誌因革也至官
蹟一卷舊志代不數人考漢晉以訖元明先後蒞茲

土者實繁有人爰博採前史與通志其卓然可紀者
悉為增入而

昭代守令尤詳以近而可徵也據事直書或煩或簡體無
一定其州縣序次先後悉依舊志

一選舉考舊志前明科第稱最盛而學問經濟皆出其
中至迺日則寥落無聞豈風會之不古若歟爰仿編
年之體鄉會選貢叙次悉依科分一以誌科目之始
兼可識盛衰之自多士或由由此而知激發乎歧予望
之

慶陽府志

卷之二

凡例

三

一鄉哲人物志考錢牧齋列朝詩集朱竹垞明詩綜皆
各作小傳況志乘乎然記載必確有可據詳言之非
冗沓也而立言尤貴質雅有仍原志者有謬加刪潤
者於此頗費斟酌閱者自見

一忠孝節義之事余居常讀史家津津三復不厭故志
中必縷晰陳之然彼之好人以所同匪僅曰善善欲
長也

一人物舊志俱入鄉賢毋論名實混淆甚有以訛承訛
者如郡志州志俱載元昭文館大學士王都中考元

史王係福建福寧州人不解何以列於邑乘顧相沿
既久又云崇祀姑仍之若其他則有歸入人物者
一列女志旌節表貞

國家曠典其未經呈報者採訪既確例得備載而州縣詳
舉有僅書姓氏無行實可錄者屢欲刪之因念嫠婦
茹孀不忍其骨志於泉壤也寧寬無嚴故並記之
一紀事所以誌一代之變故如歷朝之有紀事本末也
考舊志脩於順治十七年而明季闖寇與

國初賀運之亂皆畧而未盡茲復得之父老傳聞具詳顛

慶陽府志

卷之一

凡例

四

末亦可以知慶民流離疾苦之所由矣

一歷代之史災異必書志與史不同似可不載顧考各
郡縣志皆附此條或亦以祥疇所見為人事得失之
所驗可為官守者之鑒省歟故仍舊志而益以時事
一拾遺一卷他志所無慶郡自秦置郡縣以來遺文軼
事往往見於他說而各條例內有不可以強附者漁
獵之餘因彙為一冊隨閱隨錄不暇詮次其義則本
諸王子年杜寶云

一藝文舊志所載無幾前代著作手如李空同呂九川